



Inatsisartuni ilaasortaq
Karl-Kristian Kruse

§ 37 naapertorlugu apeqqummut nr. 2014-056-imut akissuteqaat

Asasara Karl-Kristian Kruse,

Sanaartornermut atortussanik eqqussuinerup killilersimaarneqarnissaa siunertaralugu, sanaartorerup iluani nunatsinni pisuussutinik uumaatsunik atuineq pillugu apeqquternut qujanaq. Aperivutit:

- 1) *Nunatsinneersunik qammasissianik illuliorsinnaanermut Naalakkersuisut pilersaaruteqarpat?*

aamma

- 2) *Imaluunniit avataaniik suut tamaasa tikerartiinnarlugit sanaartorneq ingerlanniarneqarpat?*

Apeqqutitut marlunnut taakkununga tunngatillugu aallarniutigalugu oqaatigissavara sanaartorerup iluani avataaniit tikerartitsinerup killilersimaarneqarnissaanut suliniutit suulluunniit Naalakkersuisut qujarummatigit. Tassani sanaartornermut atortussat nunatsinni maani pigineqartunit atortussianit tunisassiarineqartut imaluunniit nunaqavissunik suliffissaqartitsiniarnermut iluaqutaasumik illuliassanik ikkussuinnarissanik ineriikkanik sanaartorneq pineqartillugu tamanna atuuppoq.

Nunatsinni sanaartornermut atugassanik qarmasissialiornissamut namminersorluni suliniuteqartoq Nunap karsianit ineriartortitsinissamut tapersiissuteqarfingineqarluni neriulluarnartunik paasisaqarfiusumik angusaqarpoq, kisianni suliniuteqartup ukiopassuit ingerlareerneranni suliaqarnini unitsippaa. Tamatuma kingorna Center for Arktisk Teknologi marrarmik Kangerlussuarneersumik qarmasissialiornermik atuinermillu misileraavoq.

Ersaripporli allorniusani sanimukartuni inissisimaffitsinni qarmasissiat atorlugit illuliornerup teknikikkut / aningaasaqarnikkut piviusorsiorlumik periarfissaalernissaanut suli unammilligassaqartoq anigorneqartariaqartunik. Ilaatigut issittumi silap pissusiata malitsigisaanik qarmasissiat atorlugit illuliorneq ukiup ingerlanerani piffissami sivikitsuinnarmi ingerlanneqarsinnaavoq.

Taamaattorli taamaalilluni illuliornermut sanaartornermullu suliaasaqarfimmut tunisassiat eqqussuinerup killilersimaarinnitsisussat allat ineriartortinneqarnissaanut periarfissaarutinnigilaq. Arlallit atortussanik atoqqinneqarsinnaasunik soqutiginnippit, assersuutigalugu pappiaqqat aamma flamingo oqorsaatissatut, eqqussuinerup

07-03-2014
Sags nr. 2014-097031
Dok. nr. 1507437

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: in@nanoq.gl
www.naalakkersuisut.gl

killilersimaarinnitsinerisa saniatigut aamma avatangiisinut iluaqutaasumik sunniteqartarput.

Naalackersuisut tapersersuinerisigut Nutaaliorfik – Grønlands Innovationscenter - upernaamut illuliornermik suliaqartunut isumasioqatigiissitsisussaavoq, tassani qulequtaq pingaarneq tassarpiaassalluni nunatta iluani sanaartornermut atorussat taakkualu oqorsaaitut, marrianiq qalequtissianut (qarmasissiat) sanaartornermi, aqqusinniornermi immersuutitut atorussatut il.il. atorneqarsinnaanerat. Isumasioqatigiinnermut pisussanut pilersaarutaagallartut ungasinngitsumi tamanut nalunaarutigineqartussatut naatsorsuutigineqartut malillugit ilaatigut atorussat atoqqinneqarsinnaasut sammeneqassapput, soorlu assersuutigalugu pappiaqqat, flamingo, igalaamernit, biilit assakaasui kilisaatinillu qalorsuit, ilaatigullu ujarassiornermi aatsitassat soorlu assersuutigalugu marraq, sioqqat, ujaraaqqat aamma aatsitassarsiorfiulertussanit ujaqqat sinnikut atorneqartussaannngitsut. Tamatuma saniatigut pisussanut pilersaarummi marrarmik qarmasissiorneq kiisalu beton-imik oqitsumik flamingo-minernik akoorlugu kuisaliorneq takutinneqassasut ilaapput.

Isumasioqatigiinnermut suliassaqarfiup iluani immikkut ilisimasallit aamma namminersorluni inuussutissarsiuqartut suliassanik aallarnisaasartut qaaqquneqassapput, taakkua illuliornermut nioqqutissanik nunatsinni sanaartorneqartunik ineriartortitsinermi misilittakkaminnik anguniakkaminnillu aammalu nunatsinni illuliorarneq imminut nammassinnaanerusoq pillugu saqqummiussissallutik. Siunertaavoq isumasioqatigiinnermi paasisat illulioriternermut sanaartornermullu ataatsimeersuarnissami 9. - 10. september 2014 Nuummi pisussami qanittumi nalunaarutigineqaaqqammersumi (Naalackersuisunit tusagassiuutitigut nalunaarut 19.2.2014-imeersoq) saqqummiunneqassasut.

Naalackersuisut isumaqarput suliniutit taamaattut pingaartumik namminersorluni inuussutissarsiuqartut tungaanniit sutigut tamatigut eqqumaffigineqartariaqartut, aammalu Naalackersuisunut ilaasortatut Ineqarnermut akisussaasuusutut illuliornermik suliaqartut isumasioqatigiinnissaannut tassunga, aammattaaq Ineqarnermut Naalackersuisoqarfik aqqutigalugu sulianut tunngatillugu tapersersorneqartumut, peqataanissamut soqutiginnillunga nalunaarutigereerpara.

Neriuppunga akissuteqaat aammalu naatsumik nassuiaaneq tamakkiisumik paasisutissarsiffigisimassagitit.

Inussiarnersumik inuulluaqqusillunga


Siverth K. Heilmann